



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

CL. V. D. Henrico Cvyckio, Vniuersitatis Lovaniensis Cancellario, &
Ecclesiae D. Petri Louanij Decano, Maecenati suo, S. P.

urn:nbn:de:hbz:466:1-38114

CL. V. D. HENRICO
 CVYCKIO, VNIVERSI-
 TATIS LOVANIENSIS
 Cancellario, & Ecclesiæ D. Petri Loua-
 nij Decano, Mæcenati suo, S. P.

HIBELLVM De sacra militia
 Ducum & Principum Brabantie
 Ioannis Molani, Theologi nuper
 Louaniensis, viri cum in omni
 historiarum genere, tum vero in
 sacra potissimum versatissimi, à T. D. typogra-
 phis tradendum, dici non potest quanta cum
 animi mei voluptate perlegerim. Continere enim
 mihi visus est non contemnendam patriæ huius
 Belgicæ historiam, cum eorum qui Brabantia,
 Lotharingia olim nuncupata, præfuerunt, res ge-
 stas ordinemq; gratissima breuitate describat.
 Paucos sanè inter tot huius seculi historicos fuis-
 se existimo, qui tanta diligentia patriæ suæ Du-
 ces, eorumq; victorias sacras conquiesuerint:
 ut eam ob rem Molano præ ceteris facile hinc fi-
 dam. Conscripsit autem hæc ipse, non ex suo
 conficta cerebro, aut à vehementiori aliqua ani-
 mi affectione commotioneue vel minimum pas-
 sus; sed ex vetustissimis, quæ nusquam non per-
 lustrauerat, ciuitatum Belgicarum monumentis,
 & antiquæ fidei historiographis non paucis. So-
 let enim hinc plurimum ab historicis plerisque
 peccari; qui, dum ex animo sæpe laborant, minus
 curiosi

curiosi sunt, minúsq. in ijs, quæ necessaria quodã-
modo videantur, adijciendis elaborant: tacco quòd
historiam suis quandoque scriptis, quàm alioquin
futura esset, obscuriorem reddant. Quæ ratio-
ne inique atque iniuria cum nobilissimis Lotha-
ringiæ nostræ Ducibus à non paucis actum est:
qui dum eorum historiam vel ex professo scribere,
vel suis inserere scriptis conati sunt, nescio an
veterum ope destituti, an ex affectu rem aestiman-
tes, turpissimè eam lacerarunt. Vt multum
Brabantia nostra Molano debeat, qui, ut nullus
ante eum historicus, integram exactamq. Du-
cum seriem ex vetustissimis fidiissimisq. diuer-
sarum quoque nationum historicis, in hoc libello
contexuit: à quorum fide vsque adeò disceden-
dum sibi non esse videtur existimasse, ut parum
Latinas alioquin ipsorum locutiones in suos li-
bros transferre non dubitarit. Itaque hoc conse-
cutus est, ut nec fides eius in controuersiam cadat,
& historiam pluribus locis valde obscuram &
intricatum, multo reddiderit illustriorem. Quo
argumento quid de Martyrologio Belgico eius-
dem Auctoris, nondum edito, sperandum sit, col-
ligi potest. Interea verò, quòd pauca quadam
esse viderentur in opere tam nono, quæ pluribus
quandoque verbis explicata curiosus historia
lector existimauerit, tuo in primis hortatu ius-
suq. V. Cl. ea ad historiam sacram notavi, quæ
clariora ex profana historia reddi posse arbitra-
bar. Quod cum facere incepissem, in eumq. vsum
Auctoris historiam Louaniensem XIV. libris com-
prehensam

prehensam à tua Dn. accepissem, gaudisus profecto fui, quòd ea, quæ notanda mihi tam antea videbantur, explicatiora pleraque in magno isto opere continerentur; quodq; ea quæ studiosè futurè iam notationi cōscripseram, ab ipso etiam Molano notata fuisse viderem. Itaque, posthabitis etiam ceteris, Molanum Molano ferè, si quid opus esse videbatur, explicavi. Cumq; non parum lucis adferat, eorum, quos legis præfuisse, genus atque originem ante oculos habere, adiunxi historiam Regum Sicambrorū, à quibus eorū qui ante Pipinū. Brabantiam rexerunt, origo deducitur, ex quibus se prognatos esse nobiliores etiamnum Principes gloriantur. Ea siue vera sit, siue falsa narratio, certè Hunibaldi est vetustissimi scriptoris, qui tempore Clodouai primi Christiani Francia Regis per 900. amplius elapsos annos, historiam contexit. Ex illa deinde continuam quandam genealogiam ac seriem Belgarum Principum, eorum quorum hoc libello fit mentio, ad Philippum usque II. potentissimum Hispaniarum Regem deduxi: ne quidquam, quod ad illustrandam Brabantinorum Ducum historiam pertinere possit, omisisse viderer. Ea verò omnia eo mihi loco futura statui, quo T. D. futura cognouero. Bene vale Mæcenas optime.

Cl. D. T. deuinctissimus

Pet. de Lou Silued.

A D